



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

De interna Christi loquitione ad animam fidelem. Cap. I

[urn:nbn:de:hbz:466:1-45790](https://nbn-resolving.org/urn:nbn:de:hbz:466:1-45790)

Quod humilibus insistendum est operibus, cum deficitur à summis. lI
 Quod homo non reputet se consolatione dignum, sed magis verberibus
 reum. lII

Quod gratia Dei non miscetur terrena sapientibus. lIII

De diuersis motibus natura & gratia. lIV

De corruptione natura, & efficacia gratia diuina. lV

Quod nos ipsos abnegare & Christum imitari debemus per crucem. lVI

Quod homo nõ sit nimis defectus, quãdo in aliquos labitur defectus. lVII

De altioribus rebus & occultis iudicijs Dei non scrutandis. lVIII

Quod omnis spes & fiducia in solo Deo est figenda. lIX

CAPVT I.

De interna Christi locutione ad animam fidelem.

2. **A**vdiam, quid loquatur in me Dominus Deus. Beata anima, *Psal. 84.*
 quæ Dominum in se loquentem audit, & de ore eius conso-
 lationis verbum accipit. Beatae aures, quæ venas diuini susurri
 suscipiunt, & de mundi huius susurrationibus nihil aduertunt. *1. Reg. 3.*
 Beata planè aures, quæ non vocem foris sonantem, sed intus *Matt. 13.*
 auscultant veritatem docentem. Beati oculi, qui exterioribus
 clausi, interioribus autem sunt intenti. Beati, qui interna pene-
 trant, & ad capienda arcana caelestia magis ac magis per quoti-
 diana exercitia se student preparare. Beati, qui Deo vacare ge-
 stiunt, & ab omni impedimento seculi se excutiunt.

2. Animaduerte hæc anima mea, & claude sensualitatis tuæ
 ostia: vt possis audire, quid in te loquatur Dominus Deus tuus. *Psal. 84.*
 Hæc dicit dilectus tuus: Salus tua ego sum pax tua, & vita tua. *Psal. 37.*
 Serua te apud me, & pacem inuenies. Dimitte omnia trãsitoria,
 quere æterna. Quid sunt omnia temporalia, nisi seductoria? Et
 quid iuuant omnes creaturae, si fueris à creatore deserta? Omni-
 bus ergo abdicatis, creatori tuo te redde placitam ac fidelem, vt
 veram valeas apprehendere beatitudinem.

CAPVT II.

Quod veritas intus loquitur sine strepitu verborum.

1. **L**oquere Domine, quia audit seruus tuus. Seruus tuus sum *1. Reg. 3.*
 ego, da mihi intellectum, vt sciam testimonia tua. Inclina *Psal. 115.*
 cor meum in verba oris tui, fluat vt ros eloquium tuum. Dicebãt
 olim filij Israël ad Moysen: *Loquere tu nobis, & audiemus; non lo-* *Exod. 20.*
quatur nobis Dominus, ne fortè moriamur. Non sic Domine, non sic
 oro; sed magis cum Samuele propheta humiliter ac desideranter
 obsecro: *Loquere Domine quia audit seruus tuus.* Non loquatur *1. Reg. 3.*
 mihi Moyses, aut aliquis ex prophetis, sed tu potiùs loquere Do-
 mine Deus, inspirator & illuminator omnium prophetarum;
 quia tu solus sine eis potes me perfectè imbuere, illi autem sine
 te nihil proficient.

2. Pos-